

ROZÁRIU BA LORON MARIA MAROMAK INAN

Introdusaun: Liu husi hahalok liberdade nian, Maria hadomi Maromak liu buat hotu. Nia mak oan feto ida ne'ebé fo nia an tomak hodi hatán “sim” ba Maromak iha nia isin no klamar. Hori uluk kedas Na' Maromak fihir nia atu sai Maksoin nia inan, nia virgen sala laek, hodi nia laran-moos nia loke nia an ba Maromak nia Espíritu hodi lori salvasaun tama iha mundu liu husi nia Oan Jezús. Ohin ho modu partikulár mós ita reza ba paz iha mundu tomak, liu-liu ba nasaun hirak ne'ebé sei iha funu, ita entrega iha Na'i-Feto nia liman ukun nain sira hotu, atu nia kuda iha sira nia fuan, fuan ne'ebé hatene hari'i paz no hakmatek, hodi buka povu ki'ik sira nia di'ak.

Maromak hit an mai... Glória, salve Liurai-Feto

Momentu I: *Ha'u klamar hahai Na'I, ha'u neon haksolok iha Maromak ha'u maksoin*

Komentáriu: Maria nakonu ho ksolok tamba nia saran nia an tomak ba Maromak nia bolun no pratika iha nia moris ninia povu nia esperiênsia hodi halo tuir Maromak Nia hakarak.

Intensaun: Ita entrega iha Na'i-Feto nia liman Amu-Papa Francisco nia intensaun sira no mós relijiozu/a/a sira nia fidelidade.

Ami aman, ave Maria, Glória

Momentu II: *Basá nia hare nia atan feto ne'ebé folin laek*

Komentáriu: Maria Na'I nia atan, tuir Aman Nia planu, Jezús halo-an ba ema iha Maria nia knotak, bainhira Jezús sai bo'ot ba daudaun iha otas no matenek, Maria foin kompriende Jezús nia misaun iha Ninia fuan ne'ebé terus iha silénsiu ba umanidade nia salvasan.

(Santa Maria guia mak reza) Ave Maria nia fatin kom. hananu

- *Santa Maria Maromak nia inan harohan ba paz iha*

1. Ukraina
2. Nigeria no Myanmar
3. Mexico no Afganistan
4. Siria no Etiopia
5. Mali no Kashmir
6. Moçambique no Filipinas
7. Libia no Yemen
8. Darfur no Eturi
9. Colombia no Somalia
10. Israel no Camerun

Momentu III: *Ida ne'ebé bele buat hotu halo kmanek wain mai ha'u*

Komentáriu: Maromak halo buat kmanek sira iha Maria no liu husi nia iha povu Israel. Maria hatene halo ninia moris kriatura nian sai ida ho Kriadór, ninia humanidade sai ida ho divino, ninia haraik-an halo ida ho Maromak.

Intensaun: Ita entrega iha Na'i-Feto nia liman foin-sa'e no labarik hirak ne'ebé envolve-an iha grupu arte marsiál sira.

Ami Aman, Ave Maria, Glória

Momentu IV: *Nia laran luak husi otas ba otas, ba sira ne'ebé hamtauk Nia.*

Komentáriu: Maromak Nia laran-luak hili Maria sai Messias nia inan, hodi hatudu ninia domin maksoin fidelidade no laran-luak nian ne'ebé hatutan husi otas ba otas. Tan ne'e Maria hahi Na'I nia laran-luak hodi hatudu mós laran-luak ida ne'e ba humanidade tomak.

(Ave Maria nia fatin guia mak sei reza, comunidade reza santa Maria)

- *Kmanek wain ba ita Maria:*
 1. tan ita sai Maromak nia oan nia inan
 2. ita bo'ot furak tebes liu ema hotu-hotu iha raiklaran
 3. Tan grasa wain ne'ebé Maromak hakonu iha ita
 4. Liurai-Feto lalehan no raiklaran nian
 5. Nakonu ho grasa wain
 6. Ami nia mediadora
 7. Manan nain ba buat a'at sira hotu
 8. Ema hotu nia inan
 9. Subar fatin ba sira ne'ebé halai bai ta
 10. Ne'ebé lori salvaun mai iha mundo

Momentu V: *Nia naran santu*

Komentáriu: Maria ko'alia kona-ba Maromak nia naran santu, Maromak halo buat kmanek wain ba nia, Maromak santu ne'ebé servisu iha nia, Maromak ne'ebé hamahan nia hanesan kapa ida.

Ami Aman, Ave Maria, Glória

Ladaiña nia fatin Irmán ida-idak ba foti mensajen ne'ebé tau iha envelope ki'ik-oan laran ne'ebé prepara tiha ona iha Na'i-Feto nia ain, akompañá ho kantu "Ha'u hakarak hananu".